

Cofnodion Cyfarfod
Cyd-bwyllgor Gwasanaethau Iechyd Arbenigol Cymru
a gynhaliwyd yn Gyhoeddus
ddydd Mawrth 15 Mawrth 2022 am 13:30
drwy MS Teams

Aelodau'n Bresennol:

Kate Eden	(KE)	Cadeirydd
Sian Lewis	(SL)	Rheolwr Gyfarwyddwr, Pwyllgor Gwasanaethau Iechyd Arbenigol Cymru
Carole Bell	(CB)	Cyfarwyddwr Nyrsio a Sicrhau Ansawdd, Pwyllgor Gwasanaethau Iechyd Arbenigol Cymru
Stuart Davies	(SD)	Cyfarwyddwr Cyllid, Pwyllgor Gwasanaethau Iechyd Arbenigol Cymru
Iolo Doull	(ID)	Cyfarwyddwr Meddygol, Pwyllgor Gwasanaethau Iechyd Arbenigol Cymru
Steve Moore	(SM)	Prif Swyddog Gweithredol, Bwrdd Iechyd Prifysgol Hywel Dda (am ran o'r cyfarfod)
Karen Preece	(KP)	Cyfarwyddwr Cynllunio, Pwyllgor Gwasanaethau Iechyd Arbenigol Cymru (am ran o'r cyfarfod)
Ceri Phillips	(CP)	Aelod Annibynnol, Bwrdd Iechyd Prifysgol Caerdydd a'r Fro
Ian Phillips	(IP)	Aelod Annibynnol, Bwrdd Iechyd Addysgu Powys
Suzanne Rankin	(SR)	Prif Swyddog Gweithredol, Bwrdd Iechyd Prifysgol Caerdydd a'r Fro
Ian Wells	(IW)	Aelod Annibynnol, Bwrdd Iechyd Prifysgol Cwm Taf Morgannwg

Dirprwyon:

Nick Lyons (ar gyfer Jo Whitehead)	(NL)	Cyfarwyddwr Meddygol Gweithredol, Bwrdd Iechyd Prifysgol Betsi Cadwaladr
Sian Harrop-Griffiths (ar gyfer Mark Hackett)	(SHG)	Cyfarwyddwr Strategaeth, Bwrdd Iechyd Prifysgol Bae Abertawe
Peter Hopgood (ar gyfer Carol Shillabeer)	(PH)	Cyfarwyddwr Gweithredol Cyllid, Bwrdd Iechyd Addysgu Powys
Robert Holcombe (ar gyfer Glyn Jones)	RH	Cyfarwyddwr Cyllid, Caffael a Gwerth Dros Dro Bwrdd Iechyd Prifysgol Aneurin Bevan

Ymddiheuriadau:

Mark Hackett	(MH)	Prif Swyddog Gweithredol, Bwrdd Iechyd Prifysgol Bae Abertawe
Glyn Jones	(GJ)	Prif Swyddog Gweithredol Dros Dro, Bwrdd Iechyd Prifysgol Aneurin Bevan

Paul Mears	(PM)	Prif Swyddog Gweithredol, Bwrdd Iechyd Prifysgol Cwm Taf Morgannwg
Carol Shillabeer	(CS)	Prif Swyddog Gweithredol, Bwrdd Iechyd Addysgu Powys
Jo Whitehead	(JW)	Prif Swyddog Gweithredol, Bwrdd Iechyd Prifysgol Betsi Cadwaladr

Yn bresennol:

Jacqui Evans	(JE)	Ysgrifennydd y Pwyllgor a Phennaeth Gwasanaethau Corfforaethol, Pwyllgor Gwasanaethau Iechyd Arbenigol Cymru
Helen Fardy	(HF)	Cyfarwyddwr Meddygol Cyswllt, Pwyllgor Gwasanaethau Iechyd Arbenigol Cymru
Gareth Howells	(GH)	Cyfarwyddwr Gweithredol Nyrsio, Bwrdd Iechyd Prifysgol Bae Abertawe
Richard Palmer	(RP)	Uwch Reolwr Cynllunio Arbenigol, Pwyllgor Gwasanaethau Iechyd Arbenigol Cymru
Andrea Richards	(AR)	Uwch Reolwr y Rhaglen, Pwyllgor Gwasanaethau Iechyd Arbenigol Cymru
Jason Roberts	(JR)	Rheolwr y Tîm Cymorth Corfforaethol, Pwyllgor Gwasanaethau Iechyd Arbenigol Cymru
Helen Tyler	(HT)	Rheolwr Llywodraethu Corfforaethol, Pwyllgor Gwasanaethau Iechyd Arbenigol Cymru
Nick Wood	(NW)	Dirprwy Brif Weithredwr GIG Cymru, Llywodraeth Cymru

Cofnodion:

Michaela Henderson	(SMH)	Swyddog Llywodraethu Corfforaethol, Pwyllgor Gwasanaethau Iechyd Arbenigol Cymru
--------------------	-------	--

Agorodd y cyfarfod am 13:30

Cyfeirnod y Cofnodio n	Eitem ar yr agenda
JC022/031	1.1 Croeso a Chyflwyniadau Croesawodd y Cadeirydd yr aelodau i'r cyfarfod yn Gymraeg ac yn Saesneg ac atgoffodd bawb fod y cyfarfod, oherwydd pandemig COVID-19, yn cael ei gynnal yn rhithiol drwy MS Teams. Ni chodwyd unrhyw wrthwynebiadau i recordio'r cyfarfod at ddibenion gweinyddol. Nodwyd bod cworwm wedi'i gyflawni. Atgoffodd y Cadeirydd yr aelodau mai diben y Cyd-bwyllgor (JC) oedd gweithredu ar ran y saith Bwrdd Iechyd (HBs) er mwyn sicrhau mynediad teg at wasanaethau arbenigol diogel, effeithiol a chynaliadwy i bobl Cymru drwy gydweithio ar sail dull cenedlaethol a rennir, lle mae pob aelod yn gweithio er budd ehangach. Croesawodd y Cadeirydd Suzanne Rankin, Prif Swyddog Gweithredol, Bwrdd Iechyd Prifysgol Caerdydd a'r Fro (BIPCF) i'w chyfarfod cyntaf. Nododd y Cadeirydd fod nifer o ddirprwyon yn bresennol — Nick Lyons ar gyfer Jo Whitehead, Bwrdd Iechyd Prifysgol Betsi Cadwaladr (BIPBC), Sian Harrop-Griffiths ar gyfer Mark Hackett, Bwrdd Iechyd Prifysgol Bae Abertawe (BIPBCA), Peter Hopgood ar gyfer Carol Shillabeer, Bwrdd Iechyd Addysgu Powys (BIAP) a Rob Holcombe ar gyfer Glyn Jones, Bwrdd Iechyd Prifysgol Aneurin Bevan (BIPAB). Croesawodd y Cadeirydd Nick Wood, Dirprwy Brif Weithredwr GIG Cymru, Llywodraeth Cymru (LIC), Richard Palmer a Jason Roberts, Pwyllgor Gwasanaethau Iechyd Arbenigol Cymru, i'r cyfarfod fel sylwedyddion. Dywedodd y Cadeirydd y byddai Gareth Howells, Cyfarwyddwr Gweithredol Nyrsio, Bwrdd Iechyd Prifysgol Bae Abertawe yn ymuno â'r cyfarfod ar gyfer eitem 2.1 ar yr agenda.
JC22/032	1.2 Ymddiheuriadau am Absenoldeb Ymddiheuriadau am absenoldeb fel y nodwyd uchod:
JC22/033	1.3 Datganiadau o Fuddiannau Nododd y Cyd-bwyllgor y datganiadau sefydlog, ac na ddatganwyd unrhyw fuddiannau ychwanegol yn ymwneud â'r eitemau i'w trafod ar yr agenda.



GIG
CYMRU
NHS
WALES

Pwyllgor Gwasanaethau Iechyd
Arbenigol Cymru (PGIAC)
Welsh Health Specialised
Services Committee (WHSSC)

--	--

WEDT'U CADARNAU

JC22/034	1.4 Cofnodion y Cyfarfodydd a gynhaliwyd ar 11 Ionawr 2022, 18 Ionawr 2022 ac 8 Chwefror 2022 a'r Materion sy'n Codi Derbyniwyd a chymeradwywyd cofnodion cyfarfodydd y Cyd-bwyllgor a gynhaliwyd ar 11 Ionawr 2022, 18 Ionawr 2022 ac 8 Chwefror 2022 fel cofnod gwir a chywir o'r cyfarfodydd. Nid oedd unrhyw faterion yn codi.
JC22/035	1.5 Log Gweithredu Derbyniwyd y log gweithredu a nododd yr aelodau bod yr holl gamau gweithredu wedi'u cwblhau.
JC22/036	2.1 Diweddariad ar Gludo Babanod Newydd-anedig Derbyniwyd yr wybodaeth ddiweddaraf am Gludo Babanod Newydd-anedig a rhoddodd Gareth Howells (GH), Cyfarwyddwr Gweithredol Nyrso, Bwrdd Iechyd Prifysgol Bae Abertawe ddiweddariad ar y cynnydd a wnaed i sefydlu Rhwydwaith Cyflawni Gweithredol (ODN) ar gyfer y gwasanaeth cludo babanod newydd-anedig. Nododd yr aelodau fod: • y gwasanaeth cludo babanod newydd-anedig wedi symud i fodel darparu 24/7 ym mis Ionawr 2021, • pryderon parhaus wedi bod ynghylch llywodraethu'r gwasanaeth ac roedd y Cyd-bwyllgor wedi cefnogi sefydlu Rhwydwaith Cyflawni Gweithredol i fynd i'r afael â'r pryderon llywodraethu ac i sicrhau bod y gwasanaeth yn cael ei reoli a'i ddatblygu'n fwy effeithiol, • y Cyd-bwyllgor wedi cefnogi bod Bwrdd Iechyd Prifysgol Bae Abertawe yn cynnal y Rhwydwaith Cyflawni Gweithredol a'r bwriad oedd y byddai'r Rhwydwaith Cyflawni Gweithredol ar waith erbyn Ionawr 2022. Fodd bynnag, oherwydd pwysau gweithredol yn gysylltiedig â'r pandemig roedd cynnydd wedi'i ohirio ac roedd y dyddiad "mynd yn fyw" arfaethedig ar gyfer y Rhwydwaith Cyflawni Gweithredol wedi'i symud i Fehefin 2022, • Sefydlwyd grŵp gorchwyl a gorffen i gefnogi'r gwaith o ddatblygu a chyflwyno'r Rhwydwaith Cyflawni Gweithredol. Roedd aelodaeth y grŵp yn cynnwys cynrychiolwyr rheolaethol a chlinigol o bob Bwrdd Iechyd a gynhwysir gan y gwasanaeth cludo (ac eithrio Bwrdd Iechyd Prifysgol Betsi Cadwaladr), Ymddiriedolaeth Gwasanaethau Ambiwlans Cymru (WAST), y Pwyllgor Gwasanaethau Ambiwlans Brys (EASC),

Gwasanaeth Adalw Meddygol Brys (EMRTs) a Phwyllgor Gwasanaethau Iechyd Arbenigol Cymru,

- Yn ddiweddar, cyfarfu'r grŵp am y tro cyntaf i ystyried y fanyleb ddrafft ar gyfer y Rhwydwaith Cyflawni Gweithredol, Memorandwm Cytundeb (MoA), strwythur y Rhwydwaith Cyflawni Gweithredol, yr angen am gefnogaeth glinigol gadarn ac arweinyddiaeth wrth ddatblygu'r Rhwydwaith Cyflawni Gweithredol, a chynllun gweithredu prosiect a llinell amser,
- Trefnwyd y cyfarfod nesaf ar gyfer 1 Ebrill 2022;
- Roedd angen gwaith pellach y tu allan i'r cyfarfod i bennu unrhyw faterion cyflogaeth y gallai fod angen eu hystyried yn gysylltiedig ag aelodau o staff a gyflogir gan Gydweithrediad GIG Cymru. Cynghorodd GH y bydd angen cymharu'r cyfluniad presennol â manyleb y gwasanaeth cludo ac argymhellion adolygiad Fox a Puddy a gomisiynwyd yn flaenorol gan Bwyllgor Gwasanaethau Iechyd Arbenigol Cymru. Byddai hyn yn cael ei ddatblygu ymhellach wrth i'r gwasanaeth ymsefydlu a chafodd ei grybwyll ond nid ei archwilio yn y grŵp Gorchwyl a Gorffen.

Adroddodd Karen Preece (KP) ei bod wedi mynychu cyfarfod y Bwrdd Rhwydwaith Mamolaeth a Babanod Newydd-anedig yn gynt yn y dydd pan ofynnwyd iddi roi'r wybodaeth ddiweddaraf am gynnydd ac roedd nifer o bwyntiau wedi'u codi gan gynnwys a ddylai Bwrdd Iechyd Prifysgol Betsi Cadwaladr fod yn rhan o'r Rhwydwaith Cyflawni Gweithredol. Cytunodd Nick Lyons (NL) y dylai Bwrdd Iechyd Prifysgol Betsi Cadwaladr fod yn rhan a nododd GH y byddai'r Rhwydwaith Cyflawni Gweithredol yn croesawu cyfranogiad Bwrdd Iechyd Prifysgol Betsi Cadwaladr.

Dywedodd KP fod llythyr wedi'i dderbyn gan yr Arweinydd Clinigol ar gyfer Gwasanaethau Cludo gyda rhai sylwadau defnyddiol iawn ar y dogfennau a gyflwynwyd yng nghyfarfodydd cyntaf y grŵp gorchwyl a gorffen ond hefyd yn nodi pryderon parhaus ynghylch gweithio mewn Rhwydwaith Cyflawni Gweithredol.

Dywedodd KP y bydd y model comisiynu yn parhau i fod yn gymhleth, yn enwedig o safbwynt contractio a llif arian, hyd yn oed unwaith y bydd y Rhwydwaith Cyflawni Gweithredol ar waith gydag adnoddau'n llifo o Bwyllgor Gwasanaethau Iechyd Arbenigol Cymru i'r tri Bwrdd Iechyd sy'n darparu gwasanaethau cludo (Bwrdd Iechyd Prifysgol Aneurin Bevan, Bwrdd Iechyd Prifysgol Caerdydd a'r Fro a Bwrdd Iechyd Prifysgol Bae Abertawe ac i Ymddiriedolaeth Gwasanaeth Ambiwlans Cymru sy'n darparu'r cerbydau a'r gyrwyr. Nid yw'r fanyleb a'r cylch gwaith presennol ar gyfer y Rhwydwaith Cyflawni Gweithredol yn cynnwys rheolaeth gyffredinol o'r gwasanaethau. Nododd GH y byddai ystyriaeth bellach yn cael ei

	rhoi i'r model a nododd KP y gofynnir am farn y Cyd-bwyllgor maes o law. Cyfeiriodd Ceri Phillips (CP) at y pryderon a godwyd mewn cyfarfod Pwyllgor Ansawdd a Diogelwch Cleifion (QPSC) Pwyllgor Gwasanaethau Iechyd Arbenigol Cymru yn ddiweddar sy'n ymwneud â llywodraethu'r gwasanaeth dros dro a diogelwch cleifion a bod angen sicrwydd ar aelodau y byddai llywodraethu a diogelwch cleifion yn ystyriaethau hollbwysig wrth symud ymlaen. Dywedodd KP fod Grŵp Sicrwydd Cyflawni (DAG) wedi'i weithredu a'i fod wedi cyfarfod unwaith gydag ail gyfarfod wedi'i drefnu ar gyfer 17 Mawrth 2022. Bydd adroddiad o'r cyfarfod hwnnw yn cael ei rannu gyda'r Cyd-bwyllgor yn y cyfarfod ar 10 Mai 2022. Dywedodd GH y byddai'n hapus i gwrdd â'r Pwyllgor Ansawdd a Diogelwch Cleifion i roi'r wybodaeth ddiweddaraf ac ymateb i unrhyw faterion sy'n peri pryder. CAMAU GWEITHREDU: Yr adroddiad sicrwydd o gyfarfod y Grŵp Sicrwydd Cyflawni 17 Mawrth 2022 i'w gyflwyno i gyfarfod y Cyd-bwyllgor ar 10 Mai 2022. Hysbysodd Suzanne Rankin (SR) aelodau am ei phrofiad gyda gwasanaethau cludo babanod newydd-anedig yn ne-orllewin Llundain a holodd a oedd GH wedi cysylltu ag unrhyw un o'r rhwydweithiau yn NHS England. Dywedodd GH nad oeddent wedi cyfarfod eto ar hyn o bryd, er bod arbenigwyr o'r GIG wedi bod yn rhan o adolygiadau blaenorol. Diolchodd y Cadeirydd i GH a gweddill y tîm ym Mwrdd Iechyd Prifysgol Bae Abertawe am eu gwaith a'r diweddariad heddiw. Penderfynodd y Cyd-bwyllgor: • Nodi'r adroddiad.
JC22/037	3.1 Adroddiad y Cadeirydd Derbyniwyd adroddiad y Cadeirydd a rhoddodd y Cadeirydd y wybodaeth ddiweddaraf am faterion perthnasol a gyflawnwyd ganddo fel Cadeirydd ers cyfarfod blaenorol y Cyd-bwyllgor. Nododd y Cyd-bwyllgor: • na chyflawnwyd unrhyw gamau gweithredu'r Cadeirydd ers y cyfarfod diwethaf, • yn dilyn ymarfer recriwtio cystadleuol, penodwyd Ian Phillips (IP) yn Gadeirydd parhaol ar gyfer Rhwydwaith Clinigol Arennol Cymru (WRCN), o 1 Ebrill 2022 am gyfnod o dair blynedd yn unol â'r Cylch Gorchwyl. Cynigiwyd y byddai Is-gadeirydd newydd ar gyfer Pwyllgor Gwasanaethau Iechyd

	Arbenigol Cymru yn cael ei benodi yng nghyfarfod y Cyd-bwyllgor ar 10 Mai 2022, • yn dilyn penderfyniad y Cyd-bwyllgor ar 18 Ionawr 2022 i dalu Aelodau Annibynnol Pwyllgor Gwasanaethau Iechyd Arbenigol Cymru o 1 Ebrill 2022 tan 31 Mawrth 2023 am ymrwymiad amser o ddau ddiwrnod y mis ar Fand 3 graddfa tâl Aelodau Annibynnol Llywodraeth Cymru, roedd trefniadau'n cael eu gwneud iddo ddod i rym o Ebrill 2022 ymlaen, • yn dilyn ymddiswyddiad Ian Phillips fel Aelod Annibynnol Pwyllgor Gwasanaethau Iechyd Arbenigol Cymru, byddai proses ddethol deg ac agored ar gyfer penodi Aelod Annibynnol newydd yn cael ei chynnal ym mis Ebrill/Mai 2022 a byddai'r broses recriwtio ar gyfer Aelod Annibynnol Archwiliad/Cyllid Pwyllgor Gwasanaethau Iechyd Arbenigol Cymru yn cychwyn yn haf 2022 gyda'r bwriad bod yr unigolyn hwn yn cychwyn yn y swydd yn hydref 2022. Byddai penodi'r penodiadau newydd gam wrth gam yn caniatáu parhad busnes. Byddai'r swyddi gwag yn cael eu hysbysebu drwy Gadeiryddion y Bwrdd Iechyd ac Ysgrifenyddion y Bwrdd, • roedd y Cadeirydd wedi mynychu cyfarfod Pwyllgor Llywodraethu Integredig (IGC) Pwyllgor Gwasanaethau Iechyd Arbenigol Cymru ar 28 Chwefror 2022 ac roedd y Pwyllgor Llywodraethu Integredig wedi ystyried y Fframwaith Risg a Sicrwydd Corfforaethol (CRAF) a chynlluniau i ymgymryd â phroses effeithiolrwydd blynyddol y pwyllgor; ac • yn dilyn yr adborth a gafwyd yn ymarfer hunanasesu'r pwyllgor blynyddol, trefnwyd cyfres o gyfarfodydd 1 i 1 rhwng Prif Weithredwyr y Bwrdd Iechyd a'r Cadeirydd; ac roedd hi hefyd wedi mynychu Cyfarfod Bwrdd Bwrdd Iechyd Prifysgol Hywel Dda ar 17 Chwefror 2022 a chyfarfod Bwrdd Bwrdd Iechyd Prifysgol Bae Abertawe ar 23 Chwefror i roi'r wybodaeth ddiweddaraf am waith Pwyllgor Gwasanaethau Iechyd Arbenigol Cymru. Penderfynodd y Cyd-bwyllgor: • Nodi'r adroddiad.
JC22/038	3.2 Adroddiad y Rheolwr Gyfarwyddwr Derbyniwyd adroddiad y Rheolwr Gyfarwyddwr a rhoddodd y Rheolwr Gyfarwyddwr y wybodaeth ddiweddaraf am faterion perthnasol a gyflawnwyd ers cyfarfod blaenorol y Cyd-bwyllgor. Nododd y Cyd-bwyllgor: • Oherwydd materion yn ymwneud â'r gweithlu, roedd Canolfan Llosgiadau a Llawfeddygaeth Blastig Cymru Bwrdd Iechyd Prifysgol Bae Abertawe wedi cau dros dro ym mis Hydref



2021, a chafodd y gwasanaeth ei uwchgyfeirio i lefel 3 o broses uwchgyfeirio Pwyllgor Gwasanaethau Iechyd Arbenigol Cymru,

- Roedd cynnig wedi'i dderbyn yn amlinellu cynllun tri cham ar gyfer ailagor Canolfan Llosgiadau a Llawfeddygaeth Blastig Cymru ym Mwrdd Iechyd Prifysgol Bae Abertawe, a ailagorodd ar 14 Chwefror 2022,
- Roedd Cam 2 a Cham 3 y cynnig yn dibynnu ar gytuno ar gyllid cyfalaf gan Lywodraeth Cymru,
- Roedd Tîm Pwyllgor Gwasanaethau Iechyd Arbenigol Cymru mewn cysylltiad â Rhwydwaith Llosgiadau De Orllewin Lloegr a Chymru (SWWBN) i gytuno ar broses fonitro sy'n rhan o fframwaith uwchgyfeirio Pwyllgor Gwasanaethau Iechyd Arbenigol Cymru.
- hysbyswyd y Cyd-bwyllgor ar 9 Tachwedd 2021, ymhellach i'r adolygiad Gwneud Pethau'n Iawn y Tro Cyntaf (GIRFT) o ddwy ganolfan Llawfeddygaeth y Galon yn ne Cymru ym mis Mehefin 2021, a'r cynnydd dilynol o lawdriniaeth gardiaidd ym Mwrdd Iechyd Prifysgol Bae Abertawe i lefel 4 proses uwchgyfeirio Pwyllgor Gwasanaethau Iechyd Arbenigol Cymru, roedd nifer o gamau gweithredu ar unwaith wedi cael eu rhoi ar waith,
- roedd y camau gweithredu yn cynnwys newidiadau brys i wella diogelwch y gwasanaeth;
- roedd angen gwaith pellach ar broses deiran rhwng Bwrdd Iechyd Prifysgol Bae Abertawe, Bwrdd Iechyd Prifysgol Caerdydd a'r Fro a Phwyllgor Gwasanaethau Iechyd Arbenigol Cymru i wella'r llwybrau ar gyfer gwasanaethau fasgwlaidd aorta;
- roedd Bwrdd Grŵp Cyfarwyddwyr Corfforaethol (CDGB) Pwyllgor Gwasanaethau Iechyd Arbenigol Cymru wedi cytuno, yn dilyn cadarnhad o newidiadau i'r llwybr aorto-fasgwlaidd, y gallai'r gwasanaeth ym Mwrdd Iechyd Prifysgol Bae Abertawe gael ei isgyfeirio;
- roedd wedi dod i'r amlwg wedi hynny bod nifer o gymhlethdodau i newid y llwybr ac roedd camau pellach i ddatblygu'r gwaith fasgwlaidd aorta ar y cyd rhwng Bwrdd Iechyd Prifysgol Bae Abertawe a Bwrdd Iechyd Prifysgol Caerdydd a'r Fro yn cael eu datblygu gan Bwyllgor Gwasanaethau Iechyd Arbenigol Cymru; a
- gan adlewyrchu'r cynnydd sylweddol roedd Bwrdd Iechyd Prifysgol Bae Abertawe wedi'i wneud wrth fynd i'r afael â'r argymhellion gan Gwneud Pethau'n Iawn y Tro Cyntaf ac yr aethpwyd i'r afael â'r pryderon diogelwch brys ynghylch ymgynghorwyr yn gweithredu roedd y gwasanaeth wedi'i isgyfeirio i Lefel 3 fframwaith Pwyllgor Gwasanaethau Iechyd Arbenigol Cymru.

	Dywedodd Sian Harrop-Griffiths (SHG) fod Bwrdd Iechyd Prifysgol Bae Abertawe wedi cyfarfod â Judith Paget, Prif Weithredwr GIG Cymru a Chyfarwyddwr Cyffredinol Iechyd a Gwasanaethau Cymdeithasol, a Chris Jones, Dirprwy Brif Swyddog Meddygol Cymru, Llywodraeth Cymru (LIC) a chydweithwyr eraill ar 14 Mawrth 2022 i ddatblygu'r cynllun gweithredu ar gyfer Uned Llosgiadau Bwrdd Iechyd Prifysgol Bae Abertawe a diolchodd i Dîm Pwyllgor Gwasanaethau Iechyd Arbenigol Cymru am eu penderfyniad i isgyfeirio'r gwasanaeth. Holodd Steve Moore (SM) sut y byddai Pwyllgorau Ansawdd a Diogelwch Cleifion Bwrdd Iechyd yn cael eu harfarnu o'r cynnydd gydag Uned Llosgiadau Bwrdd Iechyd Prifysgol Bae Abertawe. Dywedodd Sian Lewis (SL) fod Ansawdd a Diogelwch Cleifion Pwyllgor Gwasanaethau Iechyd Arbenigol Cymru yn rhoi sicrwydd ynghylch prosesau uwchgyfeirio ac isgyfeirio Pwyllgor Gwasanaethau Iechyd Arbenigol Cymru a bod Adroddiad y Cadeirydd o'r Pwyllgor hwnnw yn cael ei anfon fel mater o drefn at Fyrddau Iechyd yn rheolaidd. Dywedodd SL ymhellach fod Jacqui Evans (JE) yn cynnal cyfarfodydd rheolaidd â Rhwydwaith Ysgrifenyddion y Bwrdd a oedd yn cryfhau'r cysylltiadau â Byrddau Iechyd ymhellach. Penderfynodd y Cyd-bwyllgor: • Nodi'r adroddiad.
JC22/039	3.3 Gweithredu Llwybr Clinigol 12 Wythnos ar gyfer Rheoli a Thrin Stenosis Aortig Derbyniwyd yr adroddiad a oedd yn ceisio cefnogaeth ar gyfer gweithredu llwybr clinigol 12 wythnos ar gyfer rheoli a thrin stenosis aortig. Cyflwynodd Karen Preece (KP) yr adroddiad a nododd yr aelodau: • yn 2019, roedd Pwyllgor Gwasanaethau Iechyd Arbenigol Cymru wedi sefydlu tîm prosiect i ystyried anghenion y dyfodol ar gyfer comisiynu'r driniaeth ar gyfer Stenosis Aortig (AS), • sefydlwyd grŵp gweithgor clinigol (Grŵp) ac roedd nifer o weithdai wedi'u cynnal, • roedd tîm Pwyllgor Gwasanaethau Iechyd Arbenigol Cymru hefyd wedi gweithio gydag elusen Heart Valve Voice i sicrhau ymgysylltu ac ymgynghori â chleifion, • yn seiliedig ar y dystiolaeth a'r risgiau marwolaeth uchel i bobl â stenosis aortig, cynigiodd y Grŵp mai llwybr 12 wythnos oedd y mwyaf priodol ac y dylid rheoli hyn yn yr un modd â'r llwybr Achosion Tybiedig o Ganser sy'n rhai Brys; ac

- roedd y Grŵp Rheoli wedi cefnogi'r gwaith sydd ei angen i weithio tuag at lwybr 12 wythnos yn ei gyfarfod ar 25 Mawrth 2021.

Dywedodd Helen Fardy (HF), er bod y gymuned glinigol yn cydnabod bod y llwybr 12 wythnos yn un uchelgeisiol, yn enwedig yn yr hinsawdd bresennol, fod canlyniadau i gleifion â chlefyd falf y galon na chafodd eu cyflwr ei drin mor wael (siawns o 50% o fyw am ddwy flynedd) y dylid rheoli hyn mewn ffordd debyg i lwybr canser heb ddiagnosis. Nododd yr aelodau fod sawl gwasgbwynt yn y llwybr o ofal sylfaenol ac eilaidd i ofal trydyddol, yn enwedig ar ddechrau'r llwybr oherwydd y gofyniad am ecocardiogramau a delweddu. Esboniodd HF, oherwydd bod yr elfennau hyn y tu allan i ofal trydyddol, bod Tîm Pwyllgor Gwasanaethau Iechyd Arbenigol Cymru yn gofyn am gefnogaeth i weithio ar gynllun gweithredu llwybr cyfan gan Fyrddau Iechyd.

Mynegodd Ian Phillips (IP) ei gefnogaeth i'r cynnig a gofynnodd am ddod â manylion y cynllun gweithredu a'r llinellau amser cyfatebol yn ôl i'r Cyd-bwyllgor i'w hystyried ar y cyfle cyntaf.

Croesawodd Nick Lyons (NL) y cynnig a gofynnodd am ystyried materion iechyd y cyhoedd ar ddechrau'r llwybr o ystyried ei bryder parhaus ynghylch anghydraddoldeb mynediad at wasanaethau stenosis aortig ledled Cymru.

Cynigiodd Steve Moore (SM) gymorth y Bwrdd Delweddu Cenedlaethol o ran elfennau diagnostig y llwybr.

Nododd SHG gefnogaeth Bwrdd Iechyd Prifysgol Bae Abertawe i'r cynnig, fodd bynnag cododd bryder ynghylch yr effaith ar weithredu a chapasiti a sut y gellid blaenoriaethu'r llwybr yn erbyn gwasanaethau eraill.

Nododd Robert Holcombe (RH) gefnogaeth Bwrdd Iechyd Prifysgol Aneurin Bevan i'r cynnig ac ailadroddodd bryder SHG ynghylch blaenoriaethu o ystyried blaenoriaethau mewnol eraill y Byrddau Iechyd.

Nododd HF fod Tîm Pwyllgor Gwasanaethau Iechyd Arbenigol Cymru yn cydnabod pwynt NL ynghylch tegwch mynediad ac adroddodd eu bod wedi cyfarfod ag Ysbyty'r Galon a'r Frest Lerpwl, a'u bod wedi bod yn gefnogol i'r llwybr arfaethedig a bod cyfarfod wedi'i drefnu gyda Bwrdd Iechyd Prifysgol Betsi Cadwaladr i sicrhau bod dull cydlynol yn cael ei fabwysiadu.

	Diolchodd HF i SM am y cynnig o gefnogaeth ar ran y Bwrdd Delweddu a nododd fod rhai aelodau o'r gweithgor eisoes yn gwneud cysylltiadau â'r Bwrdd Delweddu i lunio'r cyrsiau radiograffeg perthnasol. Dywedodd HF y byddai Tîm Pwyllgor Gwasanaethau Iechyd Arbenigol Cymru yn cyflwyno cynllun gweithredu manwl i'r Cyd-bwyllgor maes o law. Penderfynodd y Cyd-bwyllgor: • Nodi'r adroddiad, a • Chefnogi, mewn egwyddor, gweithredu llwybr clinigol 12 wythnos ar gyfer rheoli a thrin stenosis aortig.
JC22/040	3.4 Proses Pwyllgor Gwasanaethau Iechyd Arbenigol Cymru ar gyfer Ymateb i Fesurau Gweinidogol Derbyniwyd yr adroddiad sy'n rhoi trosolwg o'r Mesurau Gweinidogol a dderbyniwyd yn ddiweddar ac yn cynnig proses y gallai Pwyllgor Gwasanaethau Iechyd Arbenigol Cymru ymateb drwyddi. Cyflwynodd KP yr adroddiad a nododd yr aelodau: • y cyhoeddwyd y mesurau blaenoriaeth newydd gan Weinidog Iechyd a Gwasanaethau Cymdeithasol Cymru yn ystod yr wythnos yn dechrau 10 Ionawr 2022, ac anfonwyd llythyr at bob sefydliad iechyd i'w hysbysu o'r mesurau newydd, • byddai'n ofynnol i sefydliadau'r GIG adrodd ar y mesurau newydd o Ebrill 2022, • gofynnodd llythyr y Gweinidog y cynhwysid y mesurau mewn Cynlluniau Tymor Canolig Integredig (IMTPs) a gofynnodd i bob sefydliad nodi cynrychiolydd i weithio gyda Llywodraeth Cymru i gyd-lunio'r set nesaf o fesurau, • er byddai llawer o'r mesurau yn gofyn am fonitro perfformiad darparwyr gan Bwyllgor Gwasanaethau Iechyd Arbenigol Cymru, gellid cyfeirio at eraill mewn gwahanol gontractau/polisïau, • roedd rhai mesurau hefyd a allai, er na ellir eu priodoli'n uniongyrchol i ddarpariaeth gwasanaethau arbenigol, gael effaith tymor hwy ar y galw, • byddai'n bwysig sefydlu llinell sylfaen gynnar ar gyfer y mesurau hynny, a oedd yn berthnasol i Bwyllgor Gwasanaethau Iechyd Arbenigol Cymru, er mwyn sefydlu mecanweithiau adrodd erbyn Ebrill 2022; a • chynigiwyd gofyn i gydweithwyr yn y tîm perfformiad ddarparu data cychwynnol, a bod cynlluniau gwaelodlin, y deallwyd eu bod wedi'u datblygu gan y Byrddau Iechyd yn ystod mis Rhagfyr 2021, hefyd yn cael eu coladu er mwyn deall y berthynas rhwng y data.



	Adroddodd KP, yn ystod pandemig COVID-19, ac mewn ymateb i'r blaenoriaethau Gweinidogol a roddwyd i sefydliadau iechyd ar ddechrau'r pandemig, fod Pwyllgor Gwasanaethau Iechyd Arbenigol Cymru wedi addasu ei berthynas â darparwyr, gan geisio sicrwydd ynghylch cyflenwi ac adfer a symud i ffwrdd o reoli perfformiad pendant. Roedd y mesurau bellach yn cynnig cyfle i ailedrych ar y dull hwn, a byddai mecanweithiau presennol a sefydledig rhwng Pwyllgor Gwasanaethau Iechyd Arbenigol Cymru a darparwyr a gomisiynwyd yn cael eu defnyddio fel a ganlyn: • byddai cyfarfodydd Cytundeb Lefel Gwasanaeth (SLA) gyda darparwyr yn: ○ rhoi sicrwydd o gyflawni yn erbyn mesurau, trafodaeth ar unrhyw fylchau rhwng mesurau a chyflawni, ○ galluogi cytundeb ar gynlluniau rheoli i gau bylchau, • Byddai cyfarfodydd sicrwydd/perfformiad yn: ○ dod yn gyfarfodydd perfformio unwaith eto, ○ darparu asesiad o bob maes gwasanaeth yn erbyn y mesurau; ac ○ ystyried adroddiad drwy gyfarfodydd cyn Cytundeb Lefel Gwasanaeth i lywio'r cyfarfodydd Cytundeb Lefel Gwasanaeth gwirioneddol. Penderfynodd y Cyd-bwyllgor: • Nodi r Mesurau Blaenoriaeth Gweinidogol newydd a'r broses y bydd Pwyllgor Gwasanaethau Iechyd Arbenigol Cymru yn ymateb iddynt drwyddi.
JC22/041	3.5 Diweddariad Trawma Mawr Derbyniwyd yr adroddiad oedd yn rhoi'r wybodaeth ddiweddaraf am berfformiad a materion allweddol yn y Rhwydwaith Trawma Mawr (MTN) sy'n cwmpasu de, canolbarth a gorllewin Cymru. Cyflwynodd Sian Lewis (SL) yr adroddiad a nododd yr aelodau: • fod y Rhwydwaith Trawma Mawr wedi mynd yn fyw ym mis Medi 2020, • y sefydlwyd rhwydwaith cyflenwi gweithredol a gweithredwyd proses sicrwydd comisiynu drwy gyfrwng Grŵp Sicrwydd Cyflawni (DAG), • y byddai'r Grŵp Sicrwydd Cyflawni fel arfer yn cyfarfod bob chwarter ac yn adrodd wrth y Cyd-bwyllgor, fodd bynnag, oherwydd yr ailosod bob pythefnos sy'n digwydd ar draws iechyd a gofal cymdeithasol o'r 2 tan 16 Mawrth 2022 ar gais timau gweithredol, roedd y Grŵp Sicrwydd Cyflawni a drefnwyd ar gyfer 4 Mawrth 2022 wedi'i ohirio ac felly nid oedd yr adroddiad wedi'i drafod gan y Grŵp Sicrwydd Cyflawni. Dywedodd SHG y byddai'r Adolygiad Cymheiriaid y cyfeirir ato yn yr adroddiad yn cael ei gynnal yr wythnos nesaf a diolchodd i'r



	aelodau am y wybodaeth a ddarparwyd ganddynt i gefnogi'r adolygiad hwnnw. Nododd yr aelodau fod yr Uwch-berchennog Risg (SRO) ar gyfer y rhwydwaith wedi ysgrifennu at Gyfarwyddwr Nyrsio Bwrdd Iechyd Prifysgol Hywel Dda, mewn perthynas ag oedi wrth anfon cleifion â phroblemau cefn cymhleth adre, oherwydd oedi o ran hyfforddiant nyrsys. Roedd hyn yn dilyn dau gyfarfod o'r tîm amlddisgyblaethol o dan arweiniad y Rhwydwaith Cyflawni Gweithredol i helpu i ddatrys y materion, gyda mewnbwn gan fetron nyrsys y rhwydwaith ac arweinydd Gweithwyr Proffesiynol Perthynol i Iechyd (AHP). Cafodd yr holl gleifion fynd adref yn llwyddiannus, er ychydig yn hwyr. Roedd Bwrdd Iechyd Prifysgol Hywel Dda wedi ymateb i'r llythyr ac roedd Bwrdd Iechyd Prifysgol Bae Abertawe yn fodlon â'r ymateb. Holodd RH a fyddai adolygiad o ddefnydd cymharol gan wahanol Fyrddau Iechyd yn cael ei gynnal a chadarnhaodd KP y byddai, gan fod tegwch o ran mynediad i'r gwasanaeth yn brif ystyriaeth gan y Rhwydwaith Cyflawni Gweithredol. CAM GWEITHREDU: Dindi Gill o'r Rhwydwaith Trawma Mawr (MTN) i'w gwahodd i roi cyflwyniad diweddarau i gyfarfod y Cyd-bwyllgor ym mis Medi 2022. Holodd IP beth oedd yr amserlenni ar gyfer datblygu'r achos busnes ar gyfer y llwybr ehangach gyda'r tîm adsefydlu lleol. Dywedodd KP fod llawer o'r gwasanaethau adsefydlu lleol eisoes ar waith er bod angen eu cryfhau, ac y byddai'r adolygiad gan gymheiriaid yn ystyried hyn wrth drafod cam nesaf y datblygiad. Penderfynodd y Cyd-bwyllgor: • Nodi'r adroddiad.
JC22/042	3.6 Dadsefydlu Grŵp Comisiynu Cydweithredol Iechyd Meddwl ac Anabledd Dysgu GIG Cymru Dywedodd y Cadeirydd fod yr eitem agenda wedi'i gohirio i'r cyfarfod nesaf ar 10 Mai 2022 gan fod gwybodaeth newydd wedi dod i law roedd angen ei hystyried cyn y gellid cyflwyno adroddiad i'r Cyd-bwyllgor.
JC22/043	3.7 Diweddariad Panel Ceisiadau Cyllido Cleifion Unigol (IPFR) Cymru Gyfan Derbyniwyd yr adroddiad a oedd yn rhoi'r wybodaeth ddiweddaraf am gynigion i newid cylch gorchwyl (ToR) Panel Ceisiadau Cyllido Cleifion Unigol Cymru Gyfan.

Cyflwynodd JE yr adroddiad, ac atgoffodd yr aelodau o hanes y mater a'r diweddariad cynhwysfawr a roddwyd i'r Cyd-bwyllgor ar 18 Ionawr 2022.

Nododd yr aelodau fod y Rheolwr Gyfarwyddwr, Pwyllgor Gwasanaethau Iechyd Arbenigol Cymru, ers y cyfarfod diwethaf, wedi ysgrifennu at LIC ar ran y Pwyllgor i ofyn am ddiweddariad ar gynnydd, a derbyniwyd llythyr ymateb gan y Prif Swyddog Fferyllol (CPO) ar 17 Chwefror 2022. Dywedodd y llythyr fod Llywodraeth Cymru yn adolygu manylion y dyfarniad ac yn ystyried awdurdod y Cyd-bwyllgor i ddiweddarau a chymeradwyo cylch gorchwyl Panel Ceisiadau Cyllido Cleifion Unigol Cymru Gyfan Pwyllgor Gwasanaethau Iechyd Arbenigol Cymru; y broses llywodraethu ar gyfer diweddarau Polisi GIG Cymru "Gwneud Penderfyniadau ar Geisiadau Cyllido Cleifion Unigol (IPFRs); ac ystyried adolygiad ehangach o bolisi a fframwaith llywodraethu paneli Ceisiadau Cyllido Cleifion Unigol yng Nghymru.

Dywedodd SL, er bod Panel Cymru Gyfan wedi aros i'r materion hyn gael eu datrys, bod Pwyllgor Gwasanaethau Iechyd Arbenigol Cymru a'r Cyd-bwyllgor yn cario lefel sylweddol o risg fel yr adroddwyd yn y Fframwaith Sicrwydd Risg Corfforaethol. Nododd SL fod y risg yn cael ei lliniaru drwy ddarparu cymorth gweinyddol ychwanegol i'r Panel ond nid oedd hyn yn gynaliadwy ac roedd yn rhoi pwysau gormodol ar y Tîm Gofal Cleifion a'r Tîm Gwasanaethau Corfforaethol. Roedd y pwysau hwn yn effeithio'n negyddol ar eu gallu i gyflawni eu dyletswyddau presennol ac, o ganlyniad, roedd Pwyllgor Gwasanaethau Iechyd Arbenigol Cymru wedi creu risg ariannol iddynt eu hun i gyflogi adnodd llywodraethu corfforaethol dros dro i gefnogi'r tîm drwy asiantaeth recriwtio.

Nododd yr aelodau yr angen am adnoddau ychwanegol a chytunwyd ar godiad i'r gyllideb Costau Rhedeg Uniongyrchol (DRC) i ariannu'r adnodd llywodraethu ychwanegol o fewn Pwyllgor Gwasanaethau Iechyd Arbenigol Cymru.

Cododd SL bryderon ynghylch yr hyn a oedd yn ymddangos fel diffyg brys ar ran LIC tra bod y risg gyda Phwyllgor Gwasanaethau Iechyd Arbenigol Cymru a'r Cyd-bwyllgor. Yn ogystal, bod Llywodraeth Cymru wedi ymddangos yn sicr ynghylch cadernid y Polisi Cymru Gyfan presennol er gwaethaf y feirniadaeth ohono yn ystod yr Adolygiad Barnwrol diweddar. Yn ogystal, cynhaliwyd y prosesau sicrhau ansawdd presennol gan Ganolfan Therapiwteg a Thocsicoleg Cymru Gyfan (AWTTC), sefydliad a oedd yn canolbwyntio ar arfarniadau meddygaeth tra bod y rhan fwyaf o'r ceisiadau a ystyriwyd gan Banel Cymru Gyfan ar gyfer ymyriadau nad oeddent yn feddyginiaethol.

Dywedodd Iolo Doull (ID) fod Panel Ceisiadau Cyllido Cleifion Unigol Pwyllgor Gwasanaethau Iechyd Arbenigol Cymru wedi ystyried mwy o geisiadau Cyllido Cleifion Unigol na'r holl Fyrddau Iechyd gyda'i gilydd ac felly roedd lefel y risg yn llawer uwch nag mewn Byrddau Iechyd. Atgoffodd ID yr aelodau, er mwyn i gais Cyllido Cleifion Unigol fod yn llwyddiannus, bod yn rhaid iddo fodloni meini prawf penodol:

- A yw'r claf yn wahanol i gleifion tebyg sydd â'r un cyflwr?
- A fyddant yn cael mwy o fuddion na chleifion eraill sydd â'r un cyflwr?
- A yw'n gynnig gwerth am arian?

Dywedodd ID fod dehongli'r polisi yn ystod yr Adolygiad Barnwrol yn arwydd o wyriad oddi wrth fwriad y polisi.

Holodd RH a fyddai'r posibilrwydd o golli cynrychiolwyr Bwrdd Iechyd ar y Panel Ceisiadau Cyllido Cleifion Unigol yn effeithio ar gysondeb y broses o wneud penderfyniadau. Dywedodd SL y byddai Byrddau Iechyd yn parhau i gael eu cynrychioli ar y Panel Ceisiadau Cyllido Cleifion Unigol, fodd bynnag, mewn llai o niferoedd nag oedd ar hyn o bryd, a byddai Tîm Pwyllgor Gwasanaethau Iechyd Arbenigol Cymru yn trafod aelodaeth â Byrddau Iechyd yn fwy manwl fel rhan o'r broses ymgysylltu arfaethedig.

Dywedodd SR fod trafodaethau o fewn Bwrdd Iechyd Prifysgol Caerdydd a'r Fro wedi arwain at yr awgrym y dylid cynnwys Swyddogion Ceisiadau Cyllido Cleifion Unigol Arweiniol y Bwrdd yn y broses ymgysylltu.

Cynghorodd SL fod Grŵp Sicrhau Ansawdd Ceisiadau Cyllido Cleifion Unigol a oedd yn cynnwys aelodaeth Bwrdd Iechyd ac y byddent yn cael eu cynnwys yn y broses ymgynghori.

CAM GWEITHREDU: ID i gadarnhau aelodaeth Grŵp Sicrhau Ansawdd Ceisiadau Cyllido Cleifion Unigol.

Trafododd yr aelodau y risgiau parhaus i Bwyllgor Gwasanaethau Iechyd Arbenigol Cymru a chytunwyd y byddai Dr Sian Lewis (SL), Rheolwr Gyfarwyddwr, Pwyllgor Gwasanaethau Iechyd Arbenigol Cymru yn cysylltu â Nick Wood, Dirprwy Brif Weithredwr GIG Cymru, Llywodraeth Cymru (LIC) i ystyried sut i ddatblygu mater Llywodraethu Ceisiadau Cyllido Cleifion Unigol o fewn LIC fel mater o frys; ac y byddai Tîm Pwyllgor Gwasanaethau Iechyd Arbenigol Cymru'n ysgrifennu at Andrew Evans, Prif Swyddog Fferyllol Llywodraeth Cymru i fynegi pryderon y Cyd-bwyllgor ac i roi copi iddo o adroddiad y cyfarfod.

	CAM GWEITHREDU: Nick Wood (NW) ac SL i gysylltu ar sut i ddatblygu mater Llywodraethu Ceisiadau Cyllido Cleifion Unigol o fewn Llywodraeth Cymru fel mater o frys. CAM GWEITHREDU: Tîm Pwyllgor Gwasanaethau Iechyd Arbenigol Cymru i ysgrifennu at Andrew Evans, Prif Swyddog Fferyllol, LIC i fynegi pryderon y Cyd-bwyllgor a darparu copi o adroddiad y cyfarfod iddo. Penderfynodd y Cyd-bwyllgor: • Nodi'r cynnydd a wnaed a'r newidiadau arfaethedig i Gylch Gorchwyl Panel Ceisiadau Cyllido Cleifion Unigol Pwyllgor Gwasanaethau Iechyd Arbenigol Cymru Gyfan, sy'n cael eu trafod gyda Llywodraeth Cymru, • Nodi'r cynnydd a wnaed yn dilyn trafodaethau gyda Llywodraeth Cymru ynghylch newidiadau brys i Bolisi presennol GIG Cymru "Gwneud Penderfyniadau ar Geisiadau Cyllido Unigol", • Cefnogi bod Tîm Pwyllgor Gwasanaethau Iechyd Arbenigol Cymru yn ymgymryd â phroses ymgysylltu ynghylch cynigion i newid Cylch Gorchwyl Panel Ceisiadau Cyllido Cleifion Unigol Pwyllgor Gwasanaethau Iechyd Arbenigol Cymru Gyfan; a • Chymeradwyo codiad o £57K y flwyddyn i'r gyllideb Costau Rhedeg Uniongyrchol (DRC) i ariannu'r adnodd llywodraethu ychwanegol o fewn Pwyllgor Gwasanaethau Iechyd Arbenigol Cymru.
--	---

JC22/044	3.8 Fframwaith Sicrwydd Risg Corfforaethol (CRAF) Derbyniwyd y Fframwaith Sicrwydd Risg Corfforaethol (CRAF) wedi'i ddiweddarau a nododd yr aelodau'r risgiau oedd yn sgorio 15 neu uwch ar y timau comisiynu a chofrestrau risg y gyfarwyddiaeth. Cyflwynodd JE yr adroddiad a nododd yr aelodau: • ym mis Ionawr 2022 roedd cyfanswm o 22 o risgiau yn cynnwys 19 o risgiau comisiynu a 3 risg sefydliadol gyda sgôr risg o 15 ac uwch. Mae'r risgiau uchaf yn ymwneud â: ○ Risg 23 - Mynediad i ofal ar gyfer oedolion ag Anabledd dysgu, ○ Risg 26 - Amseroedd aros cleifion niwroseiciatreg, ○ Risg 29 - Llywodraethu Ceisiadau Cyllido Unigol Pwyllgor Gwasanaethau Iechyd Arbenigol Cymru,
----------	--

	• Ychwanegwyd 1 x risg newydd risg 33 - mewn perthynas â mesurau cyflawni blaenoriaeth newydd Llywodraeth Cymru, • Mae 2 x risg wedi'u huwchgyfeirio: ○ Risg 32 - atgyfeiriadau ar gyfer oedolion ag anhwylder bwyta, ○ Risg 34 y diffyg gwelyau gofal dwys pediatrig. Nododd yr aelodau y cafodd y Fframwaith Sicrwydd Risg Corfforaethol ei dderbyn ddiwethaf gan y Cyd-bwyllgor ym mis Tachwedd 2021 ac ers hynny mae'r Pwyllgor Llywodraethu Integredig (IGC), y Pwyllgor Ansawdd a Diogelwch Cleifion a'r Pwyllgor Archwilio a Risg wedi monitro cynnydd wrth reoli'r risgiau. Croesawodd yr aelodau'r ddogfen gryno a oedd yn rhoi sicrwydd ar weithgarwch risg ers mis Tachwedd 2021. Diolchodd Ian Wells (IW) i Dîm Pwyllgor Gwasanaethau Iechyd Arbenigol Cymru am ddatblygu'r Fframwaith Sicrwydd Risg Corfforaethol i'w fformat presennol, a oedd yn ddefnyddiol iawn. Penderfynodd y Cyd-bwyllgor: ○ Gymeradwyo r Fframwaith Sicrwydd Risg Corfforaethol (CRAF) wedi'i ddiweddarau, a ○ Nodi y cynhelir gweithdy rheoli risg dilynol ym mis Ionawr 2022 i adolygu sut mae'r broses rheoli risg yn gweithio, ac i ystyried lefelau archwaeth a goddefgarwch risg ar draws y sefydliad.
JC22/045	3.9 Cylch Busnes Blynyddol Cydbwyllgor Pwyllgor Gwasanaethau Iechyd Arbenigol Cymru 2022-2023 Derbyniwyd Cynllun Busnes Blynyddol y Cyd-bwyllgor ar gyfer 2022-2023 a nododd yr aelodau fod y cynllun yn cael ei gyflwyno yn unol â rheolau sefydlog Pwyllgor Gwasanaethau Iechyd Arbenigol Cymru sy'n nodi bod yn rhaid i'r pwyllgor gytuno ar gynllun blynyddol busnes pwyllgor. Dywedodd JE fod amserlen ddrafft y cyfarfodydd wedi'i threfnu i sicrhau nad oedd unrhyw wrthdaro â chyfarfodydd Bwrdd Iechyd yn y dyddiadur, a bod cyfarfodydd Pwyllgor Gwasanaethau Iechyd Arbenigol Cymru a'r Comisiwn Gwasanaethau Ambiwylans Brys (EASC) wedi'u trefnu i gael eu cynnal ar yr un diwrnod. Penderfynodd y Cyd-bwyllgor: • Gymeradwyo Cynllun Blynyddol Busnes Pwyllgor y Cyd-bwyllgor ar gyfer 2022-2023.
JC22/046	4.1 Adroddiad Gweithgarwch Cyfnod COVID-19 Mis 9 2021-22



	Derbyniwyd adroddiad gweithgarwch COVID-19 ar gyfer mis 9 a nododd yr aelodau raddfa'r gostyngiad mewn lefelau gweithgarwch yn ystod cyfnod brig COVID-19 a'r arwyddion o adferiad mewn gweithgarwch gwasanaethau arbenigol. Cyflwynodd SD yr adroddiad a nododd yr aelodau: • gyfraddau gweithgarwch llawfeddygaeth y galon, llawfeddygaeth thorasig, niwrolawdriniaeth, llawfeddygaeth blastig, llawfeddygaeth gardiaidd bediatrig, llawfeddygaeth bediatrig a gweithgarwch darparwyr yn Lloegr; a • Bod fformat yr adroddiad wedi'i ddiweddarau i adlewyrchu perfformiad yn erbyn y Mesurau Perfformiad newydd a nodwyd gan Lywodraeth Cymru, ac y byddai adroddiadau dilynol yn dangos tueddiadau adfer yn erbyn y mesurau newydd hynny. Penderfynodd y Cyd-bwyllgor: • Nodi'r adroddiad.
JC22/047	4.2 Adroddiad Perfformiad Ariannol Mis 10 ac 11 2021-2022 Derbyniwyd yr adroddiadau perfformiad ariannol a oedd yn nodi'r sefyllfa ariannol ar gyfer Pwyllgor Gwasanaethau Iechyd Arbenigol Cymru ar gyfer misoedd 10 ac 11 2021-2022. Nododd yr aelodau yr adroddwyd ar y sefyllfa ariannol yn erbyn llinellau sylfaen 2021-2022 yn dilyn cymeradwyo Cynllun Comisiynu Integredig (ICP) Pwyllgor Gwasanaethau Iechyd Arbenigol Cymru 2021-2022 gan y Cyd-bwyllgor ym mis Ionawr 2021. Cyflwynodd SD yr adroddiad a nododd yr aelodau fod: • y sefyllfa ariannol a adroddwyd ym Mis 11 ar gyfer Pwyllgor Gwasanaethau Iechyd Arbenigol Cymru yn rhagolwg alldro ar ddiwedd y flwyddyn o danwariant o £14,058k. • y tanwariant yn ymwneud yn bennaf â llithriad mewn datblygiadau cynlluniedig newydd, llithriad pellach a adroddwyd yn natblygiadau'r flwyddyn flaenorol, rhyddhau darpariaethau twf uwchlaw gofynion rhagolygon 2021-2022 a chronfeydd wrth gefn y gellir eu rhyddhau o ddarpariaethau 2020-2021; a • bod nifer o bwysau cost yn cael eu hamsugno yn y sefyllfa net gan gynnwys cleifion trawsblaniad cost uchel a lleoliadau iechyd meddwl cymhleth. Diolchodd RH i SD a'r tîm cyllid am y diweddariad ac am y gefnogaeth a ddarparwyd i dimau cyllid Bwrdd Iechyd. Penderfynodd y Cyd-bwyllgor:

	• Nodi'r sefyllfa ariannol bresennol a'r sefyllfa a ragwelir erbyn diwedd y flwyddyn.
JC22/048	4.3 Adroddiad Materion Llywodraethu Corfforaethol Derbyniwyd adroddiad y Materion Llywodraethu Corfforaethol a nododd yr aelodau y diweddariad ar faterion llywodraethu corfforaethol oedd wedi codi ers y cyfarfod diwethaf. Penderfynodd y Cyd-bwyllgor: • Nodi'r adroddiad.
JC22/049	4.4 Adroddiadau gan y Cyd Is-bwyllgor i. Adroddiad Sicrwydd y Pwyllgor Archwilio a Risg (ARC) Nododd y Cyd-bwyllgor yr adroddiad sicrwydd o gyfarfod Pwyllgor Archwilio a Risg Bwrdd Iechyd Prifysgol Cwm Taf Morgannwg a gynhaliwyd ar 24 Chwefror 2022. ii. Grŵp Rheoli Nododd y Cyd-bwyllgor y ddogfen friffio graidd o'r cyfarfod a gynhaliwyd ar 20 Ionawr 2022 iii. Pwyllgor Llywodraethu Integredig (IGC) Nododd y Cyd-bwyllgor adroddiad y Cadeirydd o'r cyfarfod a gynhaliwyd ar 28 Chwefror 2022. iv. Panel Ceisiadau Cyllido Cleifion Unigol (IPFR) Nododd y Cyd-bwyllgor adroddiad y Cadeirydd o banel gweithredu'r Cadeirydd a gynhaliwyd ym mis Ionawr a mis Chwefror 2022. Nododd yr aelodau, oherwydd y pwysau parhaus o fewn y Byrddau Iechyd sy'n effeithio ar allu rhai aelodau o Banel Ceisiadau Cyllido Cleifion Unigol Cymru Gyfan i fynychu cyfarfodydd, bod Paneli Gweithredu'r Cadeirydd yn cael eu cynnal yn wythnosol yn ystod mis Ionawr a mis Chwefror 2022. v. Rhwydwaith Clinigol Arennol Cymru (WRCN) Nododd y Cyd-bwyllgor adroddiad y Cadeirydd o'r cyfarfod a gynhaliwyd ar 9 Chwefror 2022.
JC22/050	5.1 Unrhyw Fater Arall Adolygiad Blynyddol o Effeithiolrwydd Pwyllgorau 2021-2022 Dywedodd y Cadeirydd y byddai'r Ymarfer Effeithiolrwydd Pwyllgorau Blynyddol ar gyfer 2021-2022 yn cael ei ddosbarthu ddiwedd mis Mawrth 2022 ac anogwyd yr holl aelodau i gwblhau'r arolwg ar-lein.

	<i>Ian Phillips, Aelod Annibynnol (IM) Pwyllgor Gwasanaethau Iechyd Arbenigol Cymru</i> Dywedodd y Cadeirydd, gan fod Ian Phillips, Aelod Annibynnol Pwyllgor Gwasanaethau Iechyd Arbenigol Cymru wedi'i benodi'n Gadeirydd parhaol Rhwydwaith Clinigol Arennol Cymru (WRCN); byddai'n ymddiswyddo o'i swydd fel Aelod Annibynnol Pwyllgor Gwasanaethau Iechyd Arbenigol Cymru. Diolchodd y Cadeirydd i Ian am ei wasanaeth fel Aelod Annibynnol mwyaf hirsefydlog Pwyllgor Gwasanaethau Iechyd Arbenigol Cymru, gan rannu ei arbenigedd a'i brofiad gyda'r Cyd-bwyllgor ac am y gefnogaeth roedd wedi'i dangos iddi yn bersonol ers iddi gymryd yr awenau fel Cadeirydd.
JC22/051	5.2 Dyddiad ac Amser y Cyfarfod Nesaf sydd wedi'i Drefnu Nododd y Cyd-bwyllgor y byddai'r cyfarfod nesaf a drefnwyd ar 10 Mai 2022. Gan nad oedd unrhyw fusnes arall heblaw'r uchod, daeth y cyfarfod i ben am 15:05.
JC22/052	5.3 Datrysiad gan y Pwyllgor Penderfynodd y Cyd-bwyllgor: "Fod cynrychiolwyr y wasg ac aelodau eraill o'r cyhoedd yn cael eu gwahardd o weddill y cyfarfod hwn o gofio natur gyfrinachol y busnes sydd i'w drafod, y gallai cyhoeddusrwydd yn ei gylch ragfarnu budd y cyhoedd" (Adran 1 (2) Deddf Cyrff Cyhoeddus (Mynediad i Gyfarfodydd) 1960)".

Llofnod y Cadeirydd:

Dyddiad: